



陳星齋先生舊題使琉球詩序

原夫王名渴刺國號始著隋書島近彝邪地志惟傳
簡中更五代下訖勝朝舉不得而招懷詎有羅於職貢
又況至元降詔轉亡其登岸者三人亦越延祐興師裁
禽其就俘者百數水澳之刼彼且能來珠虎之符此焉
莫往他若募人越嶠取道彭湖書生畏罪而遁漁師落
際而沒事非常有勢亦宜然惟夫海不揚波威行萬里
之外風皆應律恩噓一物之微則我
世祖定鼎之初慕維新而早至逮我

皇上繩

武之盛嘉乃惻以再封溯皇華之遺躅頗具圖經
籍之異聞重編邛索

天王大一統陋他南尉稱臣朝命過九章藐爾北庭致
拜翹材館閣爰蒙聯璧之稱妙選風儀絕異承宮之侶
時則雲移旌旆照七路以遐騫嶽峙朦朧獵重溟而徑
度是窟致雙綯之翼穩過星槎無林來百鳥之朝遙通
仙使金針所指七日爲期木杪纔飄五更遽屆信矣坐
如天上快哉行在風前顧猶雷動險中水交洊至髣髴
高華之嶼龜鼈橫騰分明姑米之山須彌倒卓陽侯無
狀脅雄劍以飛光箕伯何心助乖龍之索璧縱有儲乎

長綆已無冀乎一壺夫何陰火依微潛移水面鶉味煜
爚下集竿頭挾萬斛以如奔倚一峯而作柱遂乃晴開
鰲背歡動雞林隸走睢盱羣知泗水繩牽鬪鏤客半腰
絙維時使者捧

玉詔以加虔恩王人之損重後材官而緩步烏鬼降心
戒軍伍以毋譁紫金動色於是戶攢藤笠按司焚頂以
迎宮出波羅可老板橋而伏旣嵩呼以蹈舞隨天揖以
周旋居然鄒魯之風迴變侏離之俗則有官如僕遜釋
似齋然閒接衣香時霑蘭澤丐李邕之一字錄白舍之
千篇流清譽於中山碑宜第一擲黃金於虛牝十六

雙正朔知時豈復紀盈虧之月造舟閱歲能無驚
之花撥煙霧以迴橈敢忘畫舫彙往來而成集用副陳
詩斯其可前掩新書後欺廣記者矣徒觀其銜

命而出氣吐虹霓垂橐而歸聲鏘金石卽日舟中雅量
人傳謝傳之名懸知海外同風家繪韓琦之像乾隆己
丑仲秋月錢唐通家生陳兆崙句山氏題

序

孔子之言曰辭達而已矣吾嘗論之以爲聖人之門士
皆服膺道德有所道說莫非本先王法言而推廣之者
故聖人第戒之以達而已後世風俗變而士講於道義
者不如古其爲言也或不免於鄙悖故學士爲辭又當
問其所以爲辭者非第求達而已也自唐以來詩人之
辭最能爲達者莫過蘇子瞻子瞻之詩縱橫奇變無所
不有而意未嘗不歸諸雅馴然元遺山論詩猶譏之至
有滄海橫流之歎蓋前人言詩之嚴固若此也而近世
之爲詩者乃恣爲縱蕩或傷禮教以謂源出東坡豐

宜然不亦過乎涪周大司馬文恭公旣以名德光顯
朝著矣而其文學又宿爲館閣所推今其嗣東屏侍郎
以公海山存稿二十卷見視竊觀其大體實近蘇公用
力不勞而闡發情事自極語言之妙可謂辭達矣而至
其命意雅正雍容典則非特賡和於

內廷頌揚

仁聖之鴻休偉績者義正事實同原雅頌雖其道途所
經閑適所寄莫不歸乎純懿之旨有裨教化而無纖豪
之失理者蓋其言辭之美將比長子瞻而託意揚理且
有矜重於子瞻焉是真爲善學蘇詩真爲

朝廷大人君子之言真足爲士林法矣。雖不工吟詠，不足言詩人之極致。而生平持論，自以爲當爲詩人所取。惜乎公沒矣，不得以此言正諸公。乃題其簡端，歸諸東屏，將以與海內言詩者証之。若夫子瞻蜀人也，公亦蜀人，而其體相類。世如以謂此蜀之詩派，如斯則所以論公詩者，猶淺矣。嘉慶丙辰冬十月朔，桐城姚鼐序。

卷之

二

海山存稿卷一

內集

涪陵 周 煌 著

詩五十七首

恭和

御製駕幸翰林院賜宴分韻聯句後復得七言律詩四
首並示諸臣元韻

鑾輿幸處早回春翰苑

恩榮共所珍師濟誠爲王國士威儀直邁漢廷臣應知
推轂人惟舊恰喜延英署又新視籍披圖今此駐不須
羣玉紀西巡

宴蕊珠宮集鳳鸞一時文物見儒冠春醅

賜後容多酌廣樂張來許細看冀以知時猶帶葉菊因
含露尙盈團情如在藻魚同樂快得瀛洲動碧瀾

字有分題句有聯賡歌喜起尙書篇寧論此調開元鼎
不數前人占集賢日射輓花疑逗影雲蒸硯玉欲生烟
侍臣漫侈蓬萊藥

天子鴻圖不愛仙

旣醉之篇祝有融兢兢業業仰

宸衷久知直勝滄洲濶只恐難裨泰岱崇問到鬼神應
不取議從封禪詎能同微臣珥筆情何極長奉

王言共勉中

恭和

御製翰林院宴畢

駕幸貢院七律四首元韻

瑞旭祥烟近北辰

鑾輿今此遍城闈乍臨試院

天顏喜洞入情田士味辛感激猶思初進路潛零何止
過來人長安十月陽如許直爲

君王筆下春

文昌本自接三台鎖棘風清舊出才相馬野中非易也

遺珠淵底偶然哉月明蟾窟桂初落水漲龍門桃又開
不見東西南朔路都應此日計偕來

垂天雲翼說鵬搏古古今得若干有姓字題客可易
無科舉累定爲難八年珥筆分清地三度承

恩列考官曾記聚奎堂上燭幾回遲待漏聲殘

選造應無歎陸沉禹門時復動龍吟丹經九轉方稱熟
綆到千尋不厭深只合逸羣奮霄漢可堪絕足守山林
今朝同奉

天王詔願矢冰壺一片心

恭和

御製消夏十詠元韻

存六首

荷

火織迴南陸

虞絃撫北牕
渾如霞在浦
實有錦爲江
鷺序拳擎一
魚游影戲雙
惟能承雨露
昕夕聽錚鏜

蟬

莫尙憶鶯簧
鳴聲弄廣長
無心元不競
底事更須忙
耐暑移亭午
驚寒帶夕陽
清高如可警
雅復在螳螂

扇

最是團團扇
招涼蟬雀叢
弛張常在手
閭闔已關風
午

覺霜威早宵看月影空祇應持報

主萬里奉揚同

蛙

鼓吹何緣起池塘兩部齊飲河疑偃鼠測甕笑醢雞新
雨三篙水平沙十里隄五更聲又續不覺玉繩低

螢

晶簾渾未捲夜色望中澈生是無灰火傳爲不盡燈含
暉知報重用晦覺明增天祿方分照猶應一燭能

冰

見說寒於水如何不凜冰屏風雲母薄界尺玉華凝已

欲常懷抱寧能漫倚憑惟餘心一片比潔敢云曾

恭和

御製柳絮元韻

也向簷前索笑巡綠垂書幌白垂津無心似共浮雲岫
有脚偏迴大地春未斷是金紛切縷已應如玉糝生塵
幾回揣稱兼侔色除是籬間被筆人

化工若爲翦柔稊越素齊純一色迷信有吹噓良善也
亦知進退本寬兮十年栽種雲成幄四月飄零雪滿隄
回首雕梁容易到沾濡還是燕銜泥

非花非雪亦非霜道韞才高謝傅堂禦寇行踪元不返